

臺諫若知之則必當言之然置器之議不必強推幸於朝廷有
害之事則必推治後庶可無弊矣世續曰近來非徒西北空虛
南方乃我國之相抵而連年凶荒民生飢饉臣今自南方而來
南方之民間勒令入居之命富實有丁者自度其不免以為戶
首死則可免故縊死者相繼又以為移避則可免故流亡者居半
近日還止勒令之舉而民稍還集率如是之民將何為哉不能
撫禦則徒為無益當先務其撫禦之本也上曰固邊之策不
可不為入居也然不能策其撫禦之道則雖多入居何益乎○
夜西北方有氣如火○庚子夜西方有氣如火○辛丑御朝
講司諫任虎臣曰近日廉恥道喪國家選上之設乃為士大夫
給使令也受價有弊而或使之役今則令司贍寺受價布分給
非所以養廉之道上曰是言甚善頃者選上或不自立役故
令司贍寺受價布給之受布以給士大夫果不當也知事李芑
曰任虎臣所啓是矣臣少時見之士大夫以受價為恥而不敢
也自廢朝而後士風頽靡恬不為恥古者祿足以代耕故士知